



Criteria per participar a l'introducziun da l'e-voting

Per participar a l'introducziun è decisivs ils criteris da la basa legala da la Lescha davart ils dretgs politics en il chantun Grischun (LDPC; [DG 150.100](#)) e l'Ordinaziun davart ils dretgs politics en il chantun Grischun (ODPC; [DG 150.200](#)).

1. En general

La vischnanca decida a moda autonoma, sch'ella vul porscher l'e-voting integral (per tut las votaziuns a l'urna sin tut ils plauns), l'e-voting selectiv (senza las elecziuns communalas) ubain l'e-voting parzial (senza las elecziuns e votaziuns communalas).

Per votaziuns a l'urna regionalas u communalas è la votaziun electronica per regla pussaivla durant ils termins da votaziun da la Confederaziun e durant maximalmain dus ulteriurs termins che vegnan definids da la Chanzlia chantunala e communitgads il mars da l'onn precedent. En cas da l'e-voting selectiv u parzial na pon las votaziuns communalas betg vegnir realisadas durant il medem termin sco las votaziuns federalas, chantunalas u regionalas.

2. Procedura d'annunzia

a. Procedura d'annunzia per persunas cun il dretg da votar

Per annunziar las persunas cun dretg da votar per il diever da l'e-voting po la vischnanca duvrar il formular d'annunzia mess a disposiziun dal Chantun sin www.gr.ch. L'examinaziun ed elavuraziun da la registraziun en il register electoral sco era la conferma a la persuna cun dretg da votar per corrispondenza è chausa da la vischnanca. Per far quai è tut tenor necessarias adattaziuns en ils systems da controlla d'abitantas e d'abitants.

b. Procedura d'annunzia per candidatas e candidats tar elecziuns da maiorz a l'urna

En cas ch'ina vischnanca cun votaziuns a l'urna sa decida per l'opziun "e-voting integral" e cun quai per votaziuns electronicas era per elecziuns communalas, datti a partir dal 1. da schaner 2024 per elecziuns da maiorz ina procedura d'annunziar candidatas e candidats tenor art. 19b ss. LDP:

La vischnanca sto publitgar il pli tard il quattordeschavel glindesdi avant il di da votaziun l'appel d'inoltrar propostas per las elecziuns; propostas per las elecziuns ston vegnir inoltradas a la vischnanca fin il pli tard il novavel glindesdi avant il termin.

3. Incumbensas da la vischnanca tar votaziuns a l'urna cun e-voting

a. Preparaziun

Otg emnas avant il termin da votaziun furnescha la vischnanca las datas da las personas cun dretg da votar annunziadas per l'e-voting a moda electronica tenor [eCH-0045 Standart da datas](#). Realisaziun, squitsch, pachetadi e spediziun dals attests da votar surpiglia ina stamparia incumbensada dal Chantun.

Vischnancas cun l'e-voting integral registreschan plinavant las indicaziuns davart projects communal en il sistem d'evaluar resultats VeWork che vegn mess a disposiziun dal Chantun. Cun la retschavida electronica dals projects da votaziun datti era la pussaivladad da duvrar l'app VoteInfo da la Confederaziun ([VoteInfo – Infurmaziuns da votaziuns uffizialas \(admin.ch\)](#)).

b. Realisaziun

Durant ils temps d'avertura da l'urna electronica figurescha la vischnanca sco post da support per las votantas ed ils votants ed il Chantun sco post da support per las vischnancas.

c. Evaluaziun

Ils resultats da projects da votaziun federals e chantunals dal sistem dad e-voting uneschan las vischnancas cun ils resultats da las votaziuns per corrispondenza ed a l'urna en il sistem d'evaluar resultats VeWork che vegn mess a disposiziun dal Chantun. Ultra da quai annunzian las vischnancas il resultat consolidà a la Chanzlia chantunala.

Stadi settember 23